

Wakita ga Pol ya àbikioru ana ndam Tesalonik enjenjeni ni Ere ye ti mɛdɛmki ka wakita ga Pol ya àbikioru ana ndam Tesalonik enjenjeni ni

Maslaɗa ya ti àbɛki wakita hini ni ti àdafa slimi gayan a : nani Pol, zal asak ga Yezu ni (1.1 ; 2.18). Ka ya ti àbɛki wakita ni ti nan a Koreɗ ; àslɛroru Timote a Tesalonik ; Timote àra àslɛkabiya ti àhi ma ana Pol àki ka ndam Tesalonik, mɛk Pol àbikioru wakita ni ana tay (3.1-6 ; Tɛwi 18.5).

Bay ya ti àhi ma ga Yezu ana ndam Tesalonik enjenjeni ni ti Pol (Tɛwi 17.1-10). Pol àpɛs afa ga ndam Tesalonik kay ndo, adaba ndam Zude tawayay tɛgɛs nan (Tɛwi 17.5, 10) ; ere ye ti àgravu ni ahɛli ahàr, awayay epi tay ga mɛvi njɛda ana tay, ay àngɛt ahar gani ndo. Nahkay ti àbikioru wakita hini ana tay ga mɛvi njɛda ana tay akaba ga macahi zlam ana tay.

Ka palahar ye enjenjeni ga pakama gayan ni (1-3) Pol avi njɛda ana ndam Tesalonik ya tɛfaki ahàr ka Yezu ni. Àhi ana tay Melefit àdaba tay eɛɛɛɛɛ eɛɛɛɛɛ : àdafaki Melefit àdaba tay a ti njɛda ga Mɛsuf Njɛlatani ya àgray tɛwi e kidin gatay bu ni (1.4, 6). Ku tamal mis ndahan tɛgri daliya ana tay nanɗu ni, Mɛsuf Njɛlatani àbu agray tɛwi e kidin gatay bu dal-dal (1.6). Pol àhi ana tay ahɛmamam nan nanani àgray tɛwi a Tesalonik ni :

àgəski gəđakani ga ndam ga Yezu weley weley do đek mâgray təwi akada ga Pol ya àgray ni (2.1-12). Àhi ana tay awayay tay dal-dal, awayay mici ma gatay ni (2.17–3.10).

Pol àhi ana ndam Tesalonik tânjəhad akada ge Melefit ya awayay ni : leli day ahàr àđəm mânjəhad nahkay (4.1-12 ; 5.12-22). Àcahi zlam nahan ana tay, àhi ana tay ku tamal mis ndahan təməta nəngu ni, ataŋgaba e kisim ba ka fat ya ti Yezu amaŋga ni ; ku tamal məsər vad gani do nəngu ni ataŋgaba eđeđiŋ eđeđiŋena (4.13–5.11). Nahkay ku tamal ndam ga Yezu təmət nəngu ni àhəli ahàr ana leli ba. A wakita hini bu đek Pol àhi ma ga vad ga Yezu ya amaŋga ni ana ndam Tesalonik ni sak kay (1.10 ; 2.19 ; 3.13 ; 4.16 ; 5.23). Pol àđəm Melefit amajəgay ndam gayan ni, araŋa emijiŋkia tay ke divi a do, duk abivoru ana vad ga Yezu ya amaŋga ni. A vad gani nani ti leli đek aməmərɤu dal-dal, aməgri səsi ana Melefit ana zlam gayan ya àgri ana leli ni đek.

Sa ga Pol

¹ Məbəkı wakita hini ti nu Pol leli akaba Silas ata Timote. Məbıkıoru ti ana kəli ndam ga Yezu ya *kacakalumɤu a Tesalonik ni. Lekalum ti kəbum akada mis bəlan akaba Bəŋ geli Melefit nday ata Bay geli Yezu *Krist. Nday gani tğri sulum gatay ana kəli, tğray ti *kənjəhadumkabu àna sulumani ti.

Manjəhad ga ndam Tesalonik ya təfəki ahàr ka Yezu ni

² Leli màbu màgri sasi ana Melefit azuhva kuli ðek kàlavaf; ka ya ti mahəŋgalay naŋ ni ti màbu macali slimi ana kuli. Mə̀mbrəŋ

³ majalaki ahàr ke kuli kè meleher ga Bəŋ geli Melefit do. Màbu majalaki ahàr ti ka zlam gekuli ya kəgrum ni : kəbum kəfumki ahàr ka Bay geli Yezu *Krist, nahkay kəgrumi tawi; kəbum kawayum naŋ, nahkay kacakum daliya azuhva naŋ; kəsəruma aməgri zlam sulumani ana kuli daya, nahkay kəbum kebesum.

⁴ Bəza ga mmawa, leli məsəra Melefit awayay kuli, àdaba kuli a,

⁵ adaba ka ya ti mòru afa gekuli, məhi *Ma Məweni Sulumani ana kuli ni ti, məðəm ti àna ma cilin do : màgray tawi ti àna njəda ge Melefit ya *Məsuf Njəlatani àvi ana leli ni daya; àna njəda gani nani ti məsəra ma geli ya məhi ana kuli ni ti ma ge jiri efedīŋ. Kəsəruma ahəmamam leli mənjàhad e kidīŋ gekuli bu, màgray tawi azuhva kuli ni.

⁶ Lekulum day kəmbatumkaba manjàhad gekuli a, ègia kəgrum zlam akada geli ni, kəgrum zlam akada ga Bay geli ni daya. Ka ya ti kəgəsumkabu ma ge Melefit ni ti lekulum kəbum kacakum daliya dal-dal; ku tamal nahkay nəŋgu ni kəgəsumkabá àna məmərana. Àvi məmərani gani nani ana kuli ti Məsuf Njəlatani.

⁷ Ndam məfəki ahàr ka Yezu ka had Mesedəwen akaba ka had Eseyi ni ðek tàra ticia ere gekuli ya kəgrum nahkay na ti nday day tawayay tagray akada nani.

⁸ Azuhva tawi gekuli ya kəgrum ni ti ndam Mesedəwen akaba ndam Eseyi ticia ma ga Bay

geli a. Ay tìci ti nday ciliṅ do : ku eley eley do ðek mis tìcia gekùli ya kəfumki ahàr ke Melefit na. Nahkay ti ku mèdeḡmki ma ndo nəṅgu ni tìcia ma gana àndava.

⁹ Mis təbu təzlapaki ke leli, tèdeḡm lekùlùm kəgəsumkabá leli a lala. Tèdeḡm kəmbərəṅuma pəra, kəmbatumkaba majalay ahàr gekùli a, kiguma ndam məgri tawi ana Melefit a daya. Kəsəruma Melefit ti naṅ àbu àna sifa, naṅ Melefit ededīṅ ededīṅeni.

¹⁰ Nahkay kəbum kəjəgum sarta ga Wur gayaṅ ya amasləkabiya e melefit ba ni. Wur gayaṅ nani ti Yezu ; àməta mək àṅgaba e kisim ba, amahəṅgay leli. Nahkay ka fat ya ti Melefit aməzumki bəruv ke mis ni ti Melefit aməzumki ke leli do.

2

Tawi ga Pol ya àgray a Tesalonik ni

¹ Bəza ga mmawa, lekùlùm lekùlùmeni kəsəruma, ka ya ti mòru afa gekùli ni ti, mòru ti ga magray zlam masakani do.

² Kəsəruma daya, wudaka mòru afa gekùli ni ti təgribiya daliya ana leli a, tìndivbiya leli e Filip a. Afa gekùli day mis kay tàwayay məgəskabu leli ndo. Ku tamal nahkay nəṅgu ni, Melefit geli àvia njəda ana leli ga məhi *Ma Məweni Sulumani gayaṅ ana kùli a.

³ Ka ya ti məhi ma gani nani ana mis ni ti məsəkad malfada do, mèdeḡbi zlam ana huḡ geli àna naṅ do, məgosay mis do.

⁴ Melefit àsəra leli a, nahkay àdaba leli ga məhi Ma Məweni Sulumani ana mis a. Ka ya ti məhi ma gani ana mis ni ti məwayay ti mis tàzləbay leli do ;

mawayay ti Melefit mâzłəbay leli sawaŋ. Adaba Melefit ti àsəra majalay ahàr ge mis a.

⁵ Kəsəruma day-day leli məhi ma ana kəli ga magosay kəli ndo, day-day mədəbəfəŋa zlam kə kəli a ndo daya. Melefit esliki magray sedi gani.

⁶ Nğay mis tâzłəbay leli kwa ti mədəm ndo ; ku lekələm, ku mis ndahaŋ nəŋgu ni mədəm ndo.

⁷ Ku tamal nahkay nəŋgu ni leli ndam *asak ge *Krist ti akal misliki məfəki ŋgasa ke kəli tata, ay ti mągray nahkay ndo. Leli mənjuhəd e kidiŋ gekəli bu ni ti kudufa akada ga məŋ ga bəza ya ti abi slimi ana bəza gayaŋ ni.

⁸ Leli mawayay kəli dal-dal ; nahkay ka ya ti leli afa gekəli ni ti mawayay məhi Ma Məweni Sulumani ge Melefit ana kəli ciliŋ ndo : ku tamal tâbazl leli azuhva kəli nəŋgu ni akal məgəskabu daya. Leli mawayay kəli ti nahkay.

⁹ Bəza ga mmawa, sərunki ka ya ti məhi Ma Məweni Sulumani ge Melefit ana kəli ni ti mągra təwi nahaŋ a, məlafat akaba məlavəd gani do dek mągra təwi gana, àmətaḅkaba leli a dal-dal. Mągray nahkay ti adaba mawayay ti kàcakum daliya ga məvi zlam ana leli ba.

¹⁰ Ka ya ti leli məbu e kidiŋ gekəli ndam məfəki ahàr ka Yezu ni bu ni ti mənjuhədə njələta, mągra zlam ge jiri a, maslaŋa àcalki leli ka zlam magudarani ndo. Kisləmki magrakia sedi gana ke leli a tata ; Melefit day agrakia ke leli a tata.

¹¹ Kəsəruma, mənjuhəd akaba ku way way do gekəli ti akada ga bəŋ ga bəza ya anjuhəd akaba bəza gayaŋ, afi ahàr ana tay ni.

¹² Sak kay mədəfikia divi ana kəli a, məvia njədə

ana kɛli a, mɛhi ana kɛli ahàr àdám kâgrum ere ye ti Melefit awayay ni kwa. Adaba Melefit azalay kɛli, awayay ti kâhàrumiyu a Mægur gayan vu, a mɛlan masladani gayan vu.

¹³ Màmbrəŋ mægri sɛsi ana Melefit do, adaba ka ya ti mɛhi ma ge Melefit ana kɛli ni ti kəgəsumkabá. Kəgəsumkabu ti akada pakama ge mis hihirikeni do ; kəgəsumkabu ti akada pakama ge Melefit. Nani pakama ge Melefit ededɛŋ, naŋ àbu avi nɛda ana kɛli, lekulum ya ti kəfumki ahàr ka Yezu ni.

¹⁴ Bəza ga mmawa, ere ye ti àgrakivu ka ndam ge Melefit ya tɛfəki ahàr ka Yezu Krist, tɛcakalavu ka had *Zude ni ti àgrakiva ke kɛli a daya. Ndam ga had gekɛli tægria daliya ana kɛli a akada ga ndam *Zude ya tægri ana ndam gatay ya tɛfəki ahàr ka Yezu na.

¹⁵ Tàkad Bay geli Yezu, tàbazl ndam mahəŋgaray *pakama ge Melefit ya ahaslani ni akaba tægri daliya ana leli ni ti ndam Zude. Gatay ya tàgray nahkay ni ti àbəlafəŋ kè Melefit do ; tìgia ndam ezir ge mis a dek daya.

¹⁶ Leli mɛbu mɛhi ma ana ndam ya ti nday ndam Zude do ni, ti Melefit mähəŋgay tay, ay ndam Zude ni tawayay tɛcafəŋa leli a. Nahkay ti tagudarkivu zlam àkivu ka zlam magudarani gatay ya tàgudar a sarta bu dek ni. Ay nihi ti Melefit àzumkia bəruv ka tay a.

Pol awayay akoru aməŋjiyu ndam Tesalonik

¹⁷ Bəza ga mmawa, leli ti àpəsa bal mɛpivu akaba kɛli ndo. Ay ku tamal mɛpi kɛli ndo nəŋgu ni, leli mɛbu majalaki ahàr ke kɛli. Nahkay ti leli mɛbu makadvu dal-dal ga moru məməŋjiyu kɛli.

18 Mawayaya manɔŋona afa gekɔli a. Nu Pol nàtəkara sak cɛ ga moroni afa gekɔli a, ay *Seteni àcafəŋa nu a.

19 Azuhva kɔli ti leli məsəra Melefit amagray zlam sulumani ya àdɛm amagray ni. Nahkay leli mɛbu məmərɔvu azuhva kɔli. Ngay mɛbu məmərɔvu azuhva kɔli daya ti kəsərɔm ndo waw ? Məsəra ka ya ti Bay geli Yezu amanɔga ni ti amazləbay leli azuhva tɔwi geli ya màgray e kidiŋ gekɔli bu ni ; nahkay məmərɔvu akaɗa ga maslaŋa ya ti àtama mis ndahaŋ àna hwa, mək tɔvi zlam sulumani ka duwa gani ni.

20 Nahkay məmərɔvu ti azuhva kɔli ; mazləbay Bay geli Yezu ti azuhva kɔli daya.

3

1 Nahkay zla nahəma, leli misliki mebeseni va do ; mɛdɛm ahàr àdɛm leli ndahaŋ ni manjəhad a Ateŋ hayaŋ,

2 məslərɔru Timote afa gekɔli. Naŋ ti wur ga mən geli, məgri tɔwi ana Melefit ka ahar bəlaŋ, məhioru *Ma Mɛweni Sulumani ge *Krist ana mis. Məslərɔru naŋ afa gekɔli ti ga məvi njəɗa ana kɔli, ti kəmbrəŋum məfəki ahàr gekɔli ka Yezu ba.

3 Màgray nahkay ti, mawayay ti a huɗ ga daliya ya kacakum ni bu ni ti maslaŋa èjikia ke divi a ba. Daliya gani nani ti kəsərɔma lala : ahàr àdɛm mɛcakum kwa.

4 Ka ya ti leli mɛbu e kidiŋ gekɔli bu ni ti məhiva ana kɔli a, mɛdɛm ahàr àdɛm mɛcakum daliya ni kwa. Kəsərɔma, ere ye ti mɛdɛm ni àgrava eɗeɗiŋ a.

⁵ Ègia nahkay ti nìsliki mebeseni va do, nèsłaroru Timote afa gekùli ga mèsar ahəmamam kəfumki ahàr ka Yezu ni, adaba nədəm bi *Seteni amagosay kùli. Mawayay ti təwi geli ya mągray e kidin gekùli bu ni ègi zlam masakani ba.

⁶ Ay nihi ti Timote àsləkabiya afa gekùli a, ènjia afa geli a. Ma gayan ya àhi ana leli ni ti àməri bəruv ana leli dal-dal: àdəm lekulum kəbum kəfumki ahàr ka Yezu lala, kəbum kawayumvu daya. Ka ya ti kajalumki ahàr ke leli ni ti kəmərumsu àna nan. Nahkay kawayum mipi leli akada geli ya mawayay mipi kùli ni.

⁷ Bəza ga mmawa, leli məbu macakay daliya dal-dal, ay ma ga Timote ya àhi ana leli àki ka məfəki ahàr gekùli ka Yezu ni àvia njəda ana leli a.

⁸ Nahkay ma gayan ya àdəm lekulum kəbrənum məfəki ahàr gekùli ka Bay geli Yezu ndo ni ti, kala akada àvia sifa məwena ana leli a.

⁹ Leli məbu məmərvu dal-dal kə meleher ge Melefit geli azuhva kùli; nahkay ku məgri səsì ana Melefit ahəmamam ahəmamam azuhva kùli nəngu ni, səsì gani àhəca.

¹⁰ Məlafat akaba məlavaf gani do dek mahəngalay Melefit, məbrəng do; mawayay mipi kùli àna eri geli, mawayay məvi njəda ana kùli ti məfəki ahàr gekùli ka Yezu ni məsagakivu, mōru kama kama.

¹¹ Bəng geli Melefit nday ata Bay geli Yezu àna ahàr gatay gatayani təvi divi ana leli ga moroni afa gekùli ti.

¹² Lekulum kəbum kawayumvu, kəbum kawayum mis ndahan dek daya: Bay geli məvikivu njəda ana kùli ti mawayavani gekùli

mâsagakivu, môru kama kama, akada geli ya ti mawayay kuli ni.

¹³ Mòvikivu majalay ahàr sulumani ana kuli, ti lekulum akələbum ndam *njelatani kè meleher ga Bəŋ geli Melefit. Nahkay ka fat ya ti Bay geli Yezu amanğa akaba ndam gayan njelatani na dek ni ti atəŋgətfəŋa zlam magudarani kè kuli a do. [Aya nahkay !]

4

Manjəhad ga ndam njelatani ge Melefit

¹ Bəza ga mmawa, ahəmamam ndam ge Melefit tanjəhad ti tătəlafəŋ ni ti məhiaba ana kuli àndava ; lekulum kəbum kanjəhadum nahkay. Ay nihi ti ere ye ti àgəjəni ga məhiani ana kuli ni ti nihi : mahəŋgalay kuli, məhi ana kuli àna slimi ga Bay geli Yezu : kəmrəŋum ba, grumkivoru kama kama.

² Ma ga Bay geli Yezu ya məhi ana kuli ahəmamam kanjəhadum ni ti kəsəruma àndava.

³ Ere ye ti Melefit awayay ni ti nihi : njəhadum akada ga ndam gayan *njelatani ya tanjəhad ni ; kəgrum mesəwehvu ba.

⁴ Ti ku way way do e kidin gekuli bu məsər ahəmamam tanjəhad ata wal gayan ni : tənəhad njelata, ti mis ndahan təzləbay tay.

⁵ Kigum evidi ga madəbay wəl akada ga ndam ya ti təfəki ahàr ke Melefit do ni ba.

⁶ Aki ka ma hini ti maslanə àgudari zlam ana wur ga məjani ba, àgosay nanə ba daya. Məhia ana kuli a àndava, məhikivu ana kuli keti : Bay geli amatraḅ ndam ya ti tagray zlam nday nani ni.

7 Adaba Melefit àzalay leli ti ga magray mesəwehvu do ; àzalay leli ti ga manjəhadani njəlata sawaŋ.

8 Nahkay ti tamal maslaŋa àgəskabu pakama hini do ni ti, àgəskabu do ni ti pakama ge mis do ; àgəskabu do ni ti pakama ge Melefit naŋ ya ti avi Məsuf gayaŋ njəlatani ana kəli ni sawaŋ.

9 Àki ka mawayavani e kidiŋ gekəli ya kəfumki ahàr ka Yezu ni bu ni ti məbiki ma gani ka wakita ana kəli va do, adaba Melefit àcahia zlam gana ana kəli a àndava, nahkay kəbum kawayumvu lala,

10 kəbum kawayum ndam geli ya ka had Mesedəweŋ ni dek daya. Ay nihi ti bəza ga mmawa, məhi ana kəli ahàr àdəm mawayavani gekəli ni mōru kama kama.

11 Məhi ana kəli keti : zum njəda gekəli ga manjəhadkabani àna sulumani ; ti ku way way do məbi slimi ana təwi gayaŋ ciliŋ, ti mənġəti zlam ana hud gayaŋ àna təwi ga ahar gayaŋ gayaŋani. Ma gani nani ti məhia ana kəli a ahaslana àndava.

12 Tamal kəgrum nahkay ti manjəhad gekəli amaɓəlafəŋ kà ndam ya ti təfəki ahàr ka Yezu ndo ni. Ekihindəmfiŋa zlam kə mis ndahaŋ a do daya.

Manġabana e kisim ba akaba manġa ga Yezu a

13 Bəza ga mmawa, àki ka bəza ga mən geli ya təmət ni ti, mawayay ti kəsərum ma gani lala, ti ahəli ahàr ana kəli akada ya ti ahəli ahàr ana mis ndahaŋ ya ti təsər ma gani do ni ba.

14 Məsəra Yezu àməta mək àŋgaba e kisim ba. Nahkay ti məsəra ndam ya təfəki ahàr ka Yezu, təmət ni ti Melefit aməmbərəŋ tay do.

Amahəŋgaraba tay e kisim ba, atanjəhad akaba Yezu.

¹⁵ Pakama geli ya məhi ana kəli ni ti pakama geli geleni do, ga Bay geli. Pakama gani nahkay hi : ka fat ya ti Bay geli amaŋga nahəma, leli ya məbu àna sifa, məmət ndo ni, amoru afa gayəŋ enji ga ndam ya təməta àndava ni do simiteni.

¹⁶ Adaba ka fat gani nani ti Melefit amədəm sarta ènjia, mək gədakani ga *məslər ge Melefit amazlah, mezlelim ge Melefit amahənday ; eslini Bay geli amasləkabiya e melefit ba. Ka sarta gani nani ndam ge *Krist ya təmət ni ti ataŋgaba,

¹⁷ kələŋ gani leli ya məbu àna sifa ni, Melefit aməhəloru leli akaba tay a maklaḅasl vu ; leli dek aməbakabu ahər akaba Bay geli agavəla, leli dek amanjəhad akaba Bay geli ga kaŋgay-kaŋgayani.

¹⁸ Nahkay ti zum njəda àna ma hini ya nəhi ana kəli ni, lekələm day humi ana ndam gekəli ndahan ti təzay njəda bilegeni.

5

¹ Bəza ga mmawa, àki ka sarta ya ti zlam nday nani atagravu ni ti məbiki ma gani ana kəli va do, adaba

² kəsəruma pakama gana àndava : vad ya ti Bay geli amaŋga ni ti mis təsər do. Amaŋga ti akada ga zal akal ya ara ga məlavad a ni.

³ Nahkay ka ya ti mis atədəm : « Leli məbu a barbaray bu, araŋa àbi agrakivu ke leli bi » ni ti Melefit emiziŋaba tay a həya. Zlam gani nani amədəkiaya ka tay a ti akada ga wal a huḍ, wur ajibiyu aslər ni. Ka fat gani nani ti nday gani atətəmfəŋa kà daliya na do.

⁴ Ay lekulum nahəma bəza ga mmawa, manjəhad gekuli ti akada ga ndam ya tanjəhad a məlan zinjəni bu ni do. Nahkay vad gani nani amədi ahər ana kuli akada ga zal akal ni do,

⁵ adaba lekulum dek kəbum kəgrum təwi a məlan masladani bu, ga mələfat. Leli ti ndam ya tagray təwi a məlan zinjəni bu ga mələvad ni do.

⁶ Nahkay minjəm dəwir akada ga nday ndahan ni ba ; manjəhadum eri, məbumi slimi ana ahər geli ti məgudarum zlam ba.

⁷ Adaba nday ya ti tinji dəwir ni ti tinji ti ga mələvad ; nday ya ti tisi zum akad tay ni ti tisi, akad tay ti ga mələvad.

⁸ Ay leli ti magray təwi ga mələfat ; nahkay məbumi slimi ana ahər geli ti məgudarum zlam ba. Leli məfəki ahər ka Yezu, mawayavu daya : zlam nday nani ti tigia akada ge endəwi ga ambəl ga ndam slewja ya ti tabakabu, tanğah gugum gatay àna nañ na. Məsəra Melefit amahəngay leli : geli ya məsəra amahəngay leli ni ti ègia akada gadagar ga ndam slewja ya təbəvu a ahər vu, tahəngay ahər gatay àna nañ na.

⁹ Adaba Melefit àzalay leli ti ga məzumki bəruv ke leli do ; àzalay leli ti ga mahəngay leli azuhva təwi ga Bay geli Yezu *Krist ya àgri ana leli ni.

¹⁰ Krist ti àmət azuhva leli. Nahkay ku leli məbu àna sifa, ku məməta nəngu ni, awayay məvi sifa gayanə ana leli ti mənəhad ka ahar bəlanə akaba nañ.

¹¹ Nahkay zla nahəma, ku way way do e kidin gekuli bu məvi njəda ana maslanə nahanə, ti məfəki ahər gekuli ka Yezu ni mōru kama kama. Lekulum kəbum kəgrum àndava, ay ti kəmrəngum ba.

Ma ga Pol gargarani akaba sa gayan

¹² Bəza ga mmawa, mawayay ti kəgəsumiki ma ana ndam ya ti tagray təwi ga Bay geli e kidin gekəli bu ni. Nday ti Bay geli ədiyu tay ga mədi kama ana kəli akaba ga məziaba azay slimi ana kəli a.

¹³ Həngrumioru ahər a həf ana tay, wayum tay dal-dal azuhva təwi gatay ya tagray ni. Njəhadum əna sulumani e kidin gekəli bu.

¹⁴ Bəza ga mmawa, ere ye ti məhi ana kəli ni ti nihi : Tamal mis agray masəfa ti humiki ; tamal mis agray aŋgwaz ti vumi njəda ti əgray aŋgwaz ba ; tamal mis əsliki məfəki ahər ka Yezu va do ni ti jənumki naŋ ; ku way way do dek, bəsəmi.

¹⁵ Bumvu slimi : tamal maslaŋa əgudaria zlam ana maslaŋa nahaŋ a ti, maslaŋa gani əhəŋgrivu ba. Ahər ədəm ku way way do məwayay məgri sulum ana maslaŋa nahaŋ e kidin gekəli bu akaba ana mis ga dala dek kwa.

¹⁶ Mərumvu kəlavəd ;

¹⁷ kəməbrəŋum mahəŋgalay Melefit ba ;

¹⁸ ku mam agravu mam nəŋgu ni grumi səsi ana Melefit. Zlam gani nani dek ti Melefit awayay kəgrum, adaba lekələm kəbum akaba Yezu *Krist akada mis bəlaŋ.

¹⁹ Kəcumfəŋa *Məsuf Njəlatani ga magray təwi e kidin gekəli ba ba.

²⁰ Tamal maslaŋa əhəŋgaraya pakama ge Melefit e kidin gekəli ba nahəma, kəzum pakama gani akada ma masakani ba.

²¹ Ku maslaŋa gani adəm mam mam do nəŋgu ni mənjumkia lala day. Tamal ere gani əbəlay ti gəsumkabá.

²² Jəgum ahàr gekəli ti kàgudarum zlam ba ; ku mam mam day kàgudarum ba.

²³ Melefit naŋ ya ti agray ti araŋa àhəli ahàr ana leli do ni, àna ahàr gayanə gayanəni mâgray ti lekələm kîgum ndam gayanə njəlatani, araŋa àhəcikivu ana kəli ba ti. Mâjəgay kəli lala ; mâjəgay vu gekəli, sifa gekəli akaba majalay ahàr gekəli dek ti. Nahkay ka fat ya ti Bay geli Yezu Krist amara ni ti atəŋgətfəŋa zlam magudarani kə kəli ga macalki kəli a do.

²⁴ Bay ya ti azalay kəli ni ti Bay Melefit gani, agray ere ye ti àdəm amagray ni dek. Nahkay amagray zlam gani nani daya.

²⁵ Bəza ga mmawa, həŋgalumi Melefit ana leli.

²⁶ Grumi sa geli ana bəza ga məŋ geli ni dek akada ga ndam njəlatani ge Melefit ya tagravu sa ni.

²⁷ Nəhi ana kəli àna slimi ga Bay geli : kam-kam jəŋgami wakita hini ana bəza ga məŋ gekəli dek.

²⁸ Bay geli Yezu Krist məgri sulum gayanə ana kəli ti.

Ma M_hweni Sulumani ge Melefit New Testament in Muyang

copyright © 2013 Wycliffe Bible Translators, Inc.

Language: Muyang

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Muyang

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files
dated 29 Jan 2022

7fea74f6-4ba4-5a54-a7cf-a6c88fbc1968